

दिनांक 25.05.2025

समय: 18.45 बजे

आकाशवाणी जयपुर-अजमेर
प्रादेशिक समाचार

- प्रधानमंत्री नरेंद्र मोदी आतंकी ठिकानां ने खतम करण सारु स्वदेशी हथियारां अर तकनीक ने काम मांय लेर सटीक हमला करण सारु भारतीय सैनिकां री सराहना करीं
- आकाशवाणी उं मन की बात कार्यक्रम मांय प्रधानमंत्री कयो-ऑपरेशन सिंदूर दुनियाभर मांय आतंकवाद रे खिलाफ लड़ाई मांय नुवो आत्मविश्वास अर उमाव भर्यो
- एनडीए शासित राज्यां रा मुख्यमंत्रियां अर उपमुख्यमंत्रियां रो एक दिन रो सम्मेलन आज नुवी दिल्ली मांय आयोजित करीज्यो
- भारत, जापान ने पाछे छोड़ता दुनिया री चौथी सब उं मोटी अर्थव्यवस्था रो दर्जो हासिल कर्यो
- प्रदेश रा आथूणी हलकां मांय करड़ी गर्मी अर लू रो असर चाले-आ हलकां मांय आवता 3-4 दिन तेज गर्मी अर हीटवेव रो दौर चालण रा आसारं

000

प्रधानमंत्री नरेन्द्र मोदी कयो है के ऑपरेशन सिंदूर दुनियाभर मांय आतंकवाद उं लड़ाई मांय नुवा उमाव रो संचार कर्यो हैं आज आकाशवाणी उं मन की बात कार्यक्रम मांय श्री मोदी कयो के आपरेशन सिंदूर फगत फोजी मिशन नीं है, बल्कि देश रो संकल्प अर साहस हैं

.....
प्रधानमंत्री कयो के ऑपरेशन सिंदूर रे दौरान स्वदेशी हथियार दुनिया ने आपारी ताकत दिखाई हैं वणां कयो के ई अभियान रे पछे आखा देश मांय वोक्ल फॉर लोकल ने लेकर एक नुवी ऊर्जा दिखरी हैं श्री मोदी हर मिनख उं देश मांय बण्या उत्पादां ने प्राथमिकता देवण री अरज करीं प्रधानमंत्री कयो के ऑपरेशन सिंदूर आखा देश मांय राष्ट्र भक्ति री भावना भरी हैं

.....
प्रधानमंत्री कयो के ई साल ई योग दिवस रा बारा मांय दुनियाभर मांय लोगां मांय जोश अर उमाव निजर आवें प्रधानमंत्री ई साल विशाखापत्तनम मांय योग दिवस कार्यक्रम मांय भेला व्हेलां प्रधानमंत्री कयो के विश्व मधुमक्खी दिवस भारत मांय स्वास्थ्य, स्वरोजगार अर आत्मनिर्भरता रो उदाहरण हैं वणां कयो के 20 मई ने वर्ल्ड बी-डे मनाई ज्यो लारला 11 सालां मांय मधुमक्खी पालन मांय भारत मांय एक स्वीट रिवॉल्यूशन व्हीयो हैं प्रधानमंत्री कयो के देश मांय पैला खेलो इंडिया यूथ गेम्स घणा कामयाब रिया अर इण मांय कुल 26 रिकॉर्ड बण्यां श्री मोदी राजस्थान समेत तीन ठावा राज्यां रा तमगा जीतण वाळा खिलाड़ियां ने बधाई दीं वणां खासतौर माथे राजस्थान रा एथलीट हंसराज रो जिक्रो कर्यो

.....
प्रधानमंत्री कई स्कूलां मांय लगाया जा रिया शुगर बोर्ड रो ई उल्लेख कर्यो सीबीएसई री ई अनूठी पहल रो मकसद टाबरां ने वारां शुगर इंटेक रा बारां मांय जागरूक करणो हैं वाने कितरी चीणी लेणी चाईजे अर वे कितरी खा रिया है आ जाणने टाबर खुद ही हेल्दी विकल्प चुणन लाग्या हैं

प्रधानमंत्री पेपर वेस्ट और रिसाइक्लिंग रो ई जिकरो कर्यों श्री मोदी बताया के एक टन कागज री रिसाइक्लिंग उं 17 पेड़ कटण उं बचे है अर हजारों लीटर पाणी री बचत होवे हैं वणां देशवासियां उं अरज करी के वे घरां अर दफतरां मांय कागज ने अलग करने रिसाइक्लिंग रा काम मांय योगदान करें

वटे ई प्रधानमंत्री रा मन की बात कार्यक्रम ने लेर प्रदेश मांय ई खासो उमाव निजर आयों पाली मांय भाजपा प्रदेश अध्यक्ष मदन राठौड़ अर महिला बाल विकास राज्यमंत्री मंजू बाघमार समेत घणी तादाद मांय लोगां कार्यक्रम ने बड़ी स्क्रीन री मार्फत सुण्यां जैसलमेर मांय ई भाजपा कार्यकर्तावां, संगठन ओहदादारां अर लोगां मन की बात कार्यक्रम ने सुण्यां

000

एनडीए रा शासन वाळा राज्यां रा मुख्यमंत्रियां अर उपमुख्यमंत्रियां रो एक दिन रो सम्मेलन आज नुवी दिल्ली मांय व्हीयों मीटिंग री सदरत प्रधानमंत्री नरेंद्र मोदी करीं ई दौरान सुशासन रा मुद्दां माथे व्हीया विचार-विमर्श रा सत्र मांय भाजपा अध्यक्ष जगत प्रकाश नड्डा, गृहमंत्री अमित शाह अर रक्षा मंत्री राजनाथ सिंह हिस्सो लियों ई मीटिंग मांय दो मसौदा पारित करी ज्यां पैला प्रस्ताव मांय ऑपरेशन सिंदूर री कामयाबी सारु भारतीय हिफाजती बलां अर प्रधानमंत्री नरेंद्र मोदी ने बधाई दीरीजी, जदके दूजा प्रस्ताव मांय आवती जनगणना सारु केंद्र सरकार रा फैसला री सराहवणा करीं सम्मेलन मांय नेतावां न्यारा-न्यारा एनडीए शासित राज्य सरकारां कानी उं अपणाई ज्या ठावा तौर-तरीकां माथे ई बतळ करीं उण राज्यां रा मुख्यमंत्रियां आपरा राज्य मांय करीजी पहल माथे प्रस्तुतियां दीं केंद्र मांय एनडीए सरकार री पहली वर्षगांठ, अंतर्राष्ट्रीय योग दिवस रा दस साल पूरा होवण सहित आवता कार्यक्रमां माथे विचार-विमर्श करीज्यों बैठक मांय मुख्यमंत्री भजनलाल शर्मा अर उपमुख्यमंत्री दिया कुमारी ई मौजूद रह्यां

000

नीति आयोग रा मुख्य कार्यकारी अहलकार बीवीआर सुब्रह्मण्यम कयो है के भारत जापान ने पाछे छोड़ता दुनिया री चौथी सब उं मोटी अर्थव्यवस्था रो दर्जो हासिल कर लियो हैं आज नुवी दिल्ली मांय नीति आयोग री 10वीं गवर्निंग काउंसिल री मीटिंग रे पछे मीडिया सामी बोलता डॉ. सुब्रह्मण्यम ने कयो के अंतरराष्ट्रीय मुद्रा कोष रा आंकड़ा मुजब, आज भारत चौथी सब उं मोटी अर्थव्यवस्था है अर इण री कुल कीमत चार ट्रिलियन डॉलर हैं वणां भरोसो जतायो के आवता दो उं तीन सालां मांय भारत तीजी सब उं मोटी अर्थव्यवस्था बण जाएलां

000

प्रदेश मांय ऑपरेशन सिन्दूर री कामयाबी ने लेर निकाळी जाए री तिरंगा यात्रावां री कड़ी मांय आज पाली रा गुंदोज गांव मांय तिरंगा यात्रा निकाळीजीं ई रैली मांय घणी तादाद मांय गांव वाळा हिस्सो लियों वटे ई बालोतरा मांय निकाळीजी तिरंगा यात्रा मांय पशुपालन अर डेयरी मंत्री जोराराम कुमावत भेळा व्हायां यात्रा मांय 300 फीट लम्बो तिरंगो आकर्षण रो केन्द्र रियों श्री कुमावत कयो के ऑपरेशन सिन्दूर रे दौरान सरहदी हलका रा लोगां सेना री मदद करने मनोबल बधायो हैं

.....

000

दुनियाभर मांय आज विश्व थायराइड दिवस मनायो जावें थायराइड विकृति रा बारा मांय जाग जगावण अर सरुआत मांय ई इण उं बचाव अर बंदोबस्त ने बधावो देवण सारु ओ दिन मनायो जावे हैं ओ दिन थायराइड रा बारा मांय किणी संदिग्ध हालात मांय चिकित्सा मदद लेवण री याद दिरावे हैं

000

21 जून ने मनाया जावण वाळा अंतर्राष्ट्रीय योग दिवस ने लैर प्रदेश मांय तगड़ी तियारियां करी जावें न्यारी-न्यारी ठोड़ा माथे भेळा योगाभ्यास करायो जावें साथे ई लोगां ने योग रे प्रति जागरूक करया जावें ई कड़ी मांय बाडमेर मांय आज योग अर स्वास्थ्य जागरूकता कार्यक्रम व्हीयों

000

प्रदेश रा आथूणी हलकां मांय आज ई करड़ी गर्मी अर कुछ ठोड़ां लू रो असर बण्यो रियों चूरू मांय तेज गर्मी अर हीटवेव रो जिंदगी माथे असर पड़्यों वटे ई बाडमेर अर बालोतरा मांय ई मौसम रा ए ई हालात बण्या रियां मौसम केन्द्र जयपुर रा निदेशक राधेश्याम शर्मा बतायो के आथूणी हलकां राजस्थान रा सरहदी जिलों मांय आवता 3-4 दिन करड़ी गर्मी अर हीटवेव रो दौर चालतो रेवेलां

.....
 मौसम महकमा मुजब काले भरतपुर अर बीकानेर संभाग मांय कटे-कटे ई बिरखा होवण री आस हैं अगूणी हवा रे सक्रिय होवण उं आवता चार-पांच दिन राज्य रा कुछ हलकां मांय सिंज्या री बगत मेघगर्जन अर तेज आंधी चालण रा आसार हैं

000

प्रदेश मांय एकर फेर उं कोरोना संक्रमण रा मामला सामी आवण लाग्या हैं राज्य मांय लारला दो दिनां मांय 7 नुवा मरीज मिल्या हैं आं मांय चार जोधपुर रा एम्स अस्पताल अर तीन जयपुर रा एसएमएस मेडिकल कॉलेज मांय मिल्या हैं स्वास्थ्य महकमा कानी उं आं मामलां मांय वायरस री पिछाण सारु जीनोम सिक्वेसिंग करवाई जाएरी हैं मीडिया रे साथे बतळ करता स्वास्थ्य मंत्री गजेंद्र सिंह खींवर कयो के अजे चिंताजोग हालात नीं हैं वणां लोगां उं सावचेती बरतण री अरज करीं

000

वर्धमान महावीर खुला विश्वविद्यालय कानी उं होवण वाळी प्री-डीएलएड परीक्षा रा प्रवेश-पाना जारी कर दीरीज्या हैं आ परीक्षा एक जून ने दो पारियां मांय व्हेलां परीक्षा देवणियां आधिकारिक वेबसाइट माथे दीरीज्या लिंक माथे फॉर्म नम्बर अर जनम दिनांक भरने प्रवेश-पानो डाउनलोड कर सकेलां परीक्षा समन्वयक डॉ. रवि गुप्ता बतायो के प्रदेश रा सगळा 41 जिलां मांय होवण वाळी ई परीक्षा सारु 820 केंद्र बणाई ज्या हैं

000